

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“ broj: 7/10 i 3/23), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 135. sjednici, održanoj 03.07.2026. godine, d o n o s i

ZAKLJUČAK

I.

Daje se ovlaštenje ministru Ministarstva za obrazovanje, nauku, kulturu i sport Zeničko-dobojskog kantona Mušija Mirzi za potpisivanje Protokola o vođenju pregovora radi pregovaranja i zaključivanja Kolektivnog ugovora za djelatnost osnovnog obrazovanja za teritorij Zeničko-dobojskog kantona sa Samostalnim sindikatom osnovnog obrazovanja i odgoja FBiH, Kantonalni odbor Zeničko-dobojskog kantona, koji čini sastavni dio ovog zaključka i predstavlja osnovu za početak i vođenje pregovora za zaključivanje novog kolektivnog ugovora.

II.

Zaključak stupa na snagu danom donošenja.

Broj: 02-_____/26
Datum, 03.07.2026. godine
Zenica

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,
1x Samostalni sindikat osnovnog obrazovanja i odgoja FBiH,
Kantonalni odbor Zeničko-dobojskog kantona, putem Ministarstva,
1x a/a.

U skladu sa članom 138a. stav (2) Zakona o radu („radu („Službene novine Federacije Bosne i Hercegovine“, broj: 26/16, 89/18, 44/22 i 39/24) predstavnici ugovornih strana i to:

1. Vlada Zeničko-dobojskog kantona, zastupana po ministru Ministarstva za obrazovanje, nauku, kulturu i sport Zeničko-dobojskog kantona Mirza Mušija, s jedne strane i
2. Samostalni sindikat osnovnog obrazovanja i odgoja Federacije BiH, Kantonalni odbor Zeničko-dobojskog kantona, zastupan po Šatorović Selvedin, s druge strane,

u Zenici, dana_____. godine zaključuju

P R O T O K O L
o vođenju pregovora radi pregovaranja i zaključivanja Kolektivnog ugovora za
djelatnost osnovnog obrazovanja za teritorij Zeničko-dobojskog kantona

Član 1.

Ovim Protokolom ugovorne strane definišu postupak i rokove za pregovore, radi pregovaranja i zaključivanja Kolektivnog ugovora za djelatnost osnovnog obrazovanja za teritorij Zeničko-dobojskog kantona. (u daljem tekstu: Kolektivni ugovor).

Član 2.

- (1) Pregovori radi pregovaranja i zaključivanja Kolektivnog ugovora, vode se prema prijedlozima obje ugovorne strane.
- (2) Pregovori iz stava (1) ovog člana, otpočinju od dana potpisivanja ovog Protokola.
- (3) Ugovorne strane su saglasne da je okvirni rok za vođenje pregovora u vezi pregovaranja i zaključenja Kolektivnog ugovora 45 dana, u skladu sa članom 139. stav (3) Zakona o radu.
- (4) Rok za pregovaranje iz stava (3) ovog člana, može se prolongirati, ako se o tome pismeno usaglase obje ugovorne strane.

Član 3.

- (1) Ugovorene strane su dužne u dobroj vjeri pregovarati u predmetu pregovora i učiniti razumne napore da pregovori budu uspješno okončani u planiranom roku, te se suzdržati od radnji koje bi za cilj imale neopravdano odugovlačenje pregovaračkog postupka.

(2) Mjesto i vrijeme održavanja pregovaračkog sastanka ugovorene strane će dogovoriti sporazumno na kraju svakog sastanka.

Član 4.

Ugovorne strane mogu angažovati stručnjake ili druge zainteresirane osobe u svojstvu savjetnika koje prisustvuju sjednicama ugovornih strana bez prava odlučivanja.

Član 5.

Potpisivanjem ovog Protokola ugovorne strane izjavljuju da njihovi predstavnici koji će voditi pregovore iz člana 2. ovog Protokola, imaju ovlaštenje o vođenju pregovora.

Član 6.

Ugovorne strane su obavezne voditi zapisnik o toku pregovora koji obostrano potpisuju.

Član 7.

- (1) Ugovorne strane se obavezuju da čuvaju kao službenu tajnu sve podatke, informacije, kao i dogovorene prijedloge tokom vođenja pregovora saglasno ovom Protokolu.
- (2) Ugovorne strane se obavezuju da tokom vođenja pregovora saglasno ovom Protokolu neće istupati u javnost u sredstvima javnog informisanja.
- (3) Obaveza čuvanja službene tajne, kao i obaveza neistupanja u javnost u sredstvima javnog informisanja iz stava (1) i (2) ovog člana odnosi se i na osobe iz člana 4. ovog Protokola.

Član 8.

- (1) Ovaj Protokol se smatra zaključenim kada ga u istovjetnom tekstu potpišu obje ugovorene strane.
- (2) Ovaj Protokol je sačinjen u 4 (četiri) istovjetna primjerka, od kojih po 2 (dva) primjerka zadržavaju ugovorne strane.

Vlada Zeničko-dobojskog kantona
zastupana po ministru obrazovanja,
nauke, kulture i sporta Zeničko-
dobojskog kantona

Mirza Mušija

Samostalni sindikat osnovnog
obrazovanja i odgoja, FBiH
Kantonalni odbor Zeničko-
dobojskog kantona

Selvedin Šatorović

Broj: 10-34-12602-06/26
Dana, __.__.2026. godine